

Ո Ր Ո Շ ՈՒ Մ

/վարչական վարույթի ժամկետը երկարաձգելու մասին/

«10» դեկտեմբերի 2021թ.

ք. Երևան

Հայաստանի Հանրապետության պետական եկամուտների կոմիտեի Արարատյան մաքսատուն-վարչության պետ Կարեն Բաբայանս, ուսումնասիրելով «Հենար ֆուդ» ՍՊ ընկերության (ՀՎՀՀ՝ 03547584, հասցեն՝ Կոտայքի մարզ, Քանաքեռավան, Մրգաշենի խճղ. 30, պետական գրանցման համար՝ 80.110.1029854, տնօրեն Զհանգիր Հենրիկի Ապրեսյան) նկատմամբ հարուցված վարչական վարույթի նյութերը,

Պ Ա Ր Զ Ե Ց Ի

«Հենար ֆուդ» ՍՊ ընկերության կողմից թիվ 05100033/090221/0003264 տարանցման հայտարարագրով ՀՀ է ներմուծվել 5,750 կգ ընդհանուր քաշով տավարի գլխամիս, իսկ թիվ 05100022/261220/0029491 տարանցման հայտարարագրով ՀՀ է ներմուծվել 22,230 կգ ընդհանուր քաշով հավի սառեցված միս: «Հենար ֆուդ» ՍՊ ընկերության կողմից ՀՀ ներմուծված ապրանքների համար սահմանված մաքսային վճարները չեն վճարվել:

ՀՀ ՊԵԿ Արարատյան մաքսատուն-վարչության ԳՀՀ բաժնի կողմից 10.11.2021 թվականին տրված տեղեկանքների համաձայն՝ «Հենար ֆուդ» ՍՊ ընկերության կողմից վճարման ենթակա մաքսային վճարների գումարը կազմում է ընդհանուր 12,094,140 ՀՀ դրամ, որից մաքսատուրք՝ 5,121,797 ՀՀ դրամ, տույժ՝ 2,378,900 ՀՀ դրամ, ԱԱՀ՝ 4,100,612 ՀՀ դրամ, տույժ՝ 492,831 ՀՀ դրամ:

Նշված փաստի առթիվ ՀՀ ՊԵԿ Արարատյան մաքսատուն-վարչությունում 10.11.2021 թվականին հարուցվել է վարչական վարույթ «Հենար ֆուդ» ՍՊ ընկերությունից վճարման ենթակա մաքսային վճարների գանձման նպատակով, ինչի առթիվ 2021 թվականի դեկտեմբերի 10-ին ժամը 15:00-ին հրավիրվել են լուսմներ: Լուսմներ հրավիրելու մասին ծանուցագիրը փոստի միջոցով հետադարձ ծանուցմամբ առաքվել է «Հենար ֆուդ» ՍՊ ընկերության տնօրենին, սակայն ծանուցագիրը ստանալու մասին տեղեկատվություն Արարատյան մաքսատուն-վարչությունում մինչև նշանակված ժամը չի ստացվել:

«Վարչարարության հիմունքների և վարչական վարույթի մասին» ՀՀ օրենքի 38-րդ հոդվածի 1-ին մասի համաձայն՝ Վարչական մարմինը վարչական վարույթի ընթացքում պարտավոր է վարույթի մասնակիցներին և նրանց ներկայացուցիչներին հնարավորություն տալ արտահայտվելու վարչական վարույթում քննարկվող փաստական հանգամանքների վերաբերյալ:

Նույն օրենքի 47-րդ հոդվածի 1-ին մասի ա) կետի համաձայն՝ վարչական վարույթի ժամկետը կարող է երկարաձգվել, եթե՝ գործի քննարկման համար էական համարվող հանգամանքներ պարզելու նպատակով անհրաժեշտություն է առաջացել լրացուցիչ տեղեկություններ կամ փաստաթղթեր ձեռք բերել, որոնք, սույն օրենքի 43-րդ հոդվածի 3-րդ մասին համապատասխան, պարտավոր է ներկայացնել դիմողը, և վարչական վարույթի մնացած ժամկետում հնարավոր չէ ըստ էության որոշում ընդունել:

Նույն հոդվածի 1-ին մասի «ա» կետով նախատեսված դեպքում վարչական վարույթի ժամկետը կարող է երկարաձգվել մինչև 10 օր ժամկետով: Այդ դեպքում թույլատրվում է մինչև երկու անգամ երկարաձգում՝ հիշյալ ժամկետի պահպանմամբ:

Հիմք ընդունելով վերոգրյալ իրավակարգավորումները և նկատի ունենալով, որ սույն վարչական վարույթով հրավիրված լուսույմների մասին ծանուցված լինելու փաստը հավաստող ապացույց չի ստացվել, գտնում եմ, որ վարչական վարույթի ժամկետը պետք է երկարաձգել՝ հնարավորություն ընձեռելով «Հենար ֆուդ» ՍՊ ընկերության համապատասխան լիազորություն ունեցող անձնաց արտահայտվելու վարչական վարույթում քննարկվող փաստական հանգամանքների վերաբերյալ:

Ելնելով վերոգրյալից և ղեկավարվելով «Վարչարարության հիմունքների և վարչական վարույթի մասին» ՀՀ օրենքով՝

Ո Ր Ո Շ Ե Ց Ի

«Հենար ֆուդ» ՍՊ ընկերության նկատմամբ հարուցված վարչական վարույթի ժամկետը երկարաձգել 10 օրով՝ մինչև 20.12.2021 թվականը:

Հրավիրել լուսույմեր **20.12.2021 թվականին, ժամը 15:00-ին՝** Արարատյան մաքսատուն-վարչության վարչական շենքում /հասցե՝ ք. Երևան, Իսակովի 10, 4-րդ հարկ, հեռ. /011/ 80-11-01/1130/:

Որոշման մասին իրազեկել «Հենար ֆուդ» ՍՊ ընկերությանը:

ԱՐԱՐԱՏՅԱՆ ՄԱՔՍԱՏՈՒՆ-
ՎԱՐՉՈՒԹՅԱՆ ՊԵՏ



Կ. ԲԱԲԱՅԱՆ